

# Petét Papa de Nâ

Ç'ât lai belle neût de Nâ  
Lai noi élaïrdg' son biainc mainté,  
Et les euyes yevès voi le cie,  
È dgenonye, les petéts afaints,  
Aivaint de çhôte les paupieres,  
Faint ènne deriere prayiere.

Petét papa de Nâ  
Tiaïnd te déchendrès di cie  
Aivô des djotats pai millies  
N' rébie pe mon petét sulaïe ;  
Mains aivaint de païtchi,  
È faré bîn te tieûvri,  
Defeûs te veus aivoi che froid,  
Ç'ât ïn pô, è câse de moi.

È m'aïttairdge taint que le djo se yeûve  
Po voi che te m'és aïppotchè,  
Tos les bés djotats qu'i vois dains mes sondges  
Èt peus qu'i t'aï commaindès.

Petét papa de Nâ  
Tiaïnd te déchendrès di cie  
Aivô des djotats pai millies  
N' rébie pe mon petét sulaïe

Le mairtchaind de sâbye ât pèssè  
Les afaints vint faire dodo  
Et te veus poyait écmencie  
Aivô tai hotte chu le dôs  
Â son des cieutches des môties  
Tai dichtribution de churprijes.

Petét papa de Nâ  
Tiaïnd te déchendrès di cie  
Aivô des djotats pai millies  
N' rébie pe mon petét sulaïe ;

Che te dais t'airrâtaie  
Chu les toêts di monde entie  
Tot çoli d'vaint d'main le maitîn,  
Bot'-te bîn vite en tchemîn.

Et tiaïnd te serés chu ton bé nuaidge,  
Vîns en d'vaint chu note mâjon  
I ne seus p' aiyu tos les djos bîn saidge,  
Mains i t'en d'mainde poidgeon.

Petét papa de Nâ  
Tiaïnd te déchendrès di cie  
Aivô des djotats pai millies  
N' rébie pe mon petét sulaïe ,  
Petét papa de Nâ.

*Paroles : Raymond Vinci*

*Musique : Henri Martinet*

*Traduction en patois jurassien (vadais) : Denis Frund / émission RFJ du 13.12.2015*

*Décembre 2015*